



Jens Napátök
Parti Naleraq sinnerlugu inatsisartuni ilaasortaq

§ 37 apeqqut 154/2020 pillugu akissuteqaat

1. Naalakkersuisut sulissutiginiarpaat Ittoqqortoormiit nakorsaqqilernissaata aqqutissiuunnissaat?

Akissut:

Naalakkersuisut Ittoqqortoormiini nakorsatut atorfiup atorunnaartinneqarnissaanik aalajangiinikuunngillat. Tamanna ilutigalugu Naalakkersuisut nassuerutigaat Peqqinnissaqarfimmi sulisussarsiortarneq aamma sulisunik sulisorineqaannartitsineq ajornartorsiutaammat. Taamaammat piffissat ilaanni nakorsamik ikiorsiissuteqartarneq suliqartarnerlu Ittoqqortoormiini najuuttumik pisassaaq. Piffinni allani nakorsamit ikiorserneqarneq telemedicin aqqutigalugu ingerlanneqartarpoq aamma aalajangersimasumik ulluinnarni oqarasuaatikkut attaveqarnikkut immikkut ittumik nakorsaqaatigiit kalaallit nunaanni misilittagalinnik Dronning Ingridip Peqqissaaviani (DIP) Nuummiittunit attaveqartoqartarluni. Taassuma saniatigut innuttaasut peqqinnissakkut sullinneqarnissamik pisariaqartitaat isumagineqartarpoq, piffissaq tamaat peqqissaasoqarneratigut allatigullu peqqinnissakkut sullissisumik Ittoqqortoormiini itaqaarnikkut, tassani isumaqatigiissutit malillugit ajornanngitsumik immikkut ittumik DIP-imiittunik nakorsamik attaveqartoqartarpoq.

2. Taamatullu aamma avannaani Kullorsuup ungasissumiittup nakorsaqaalersinnaannera eqqarsaatersorfivaat?

Akissut:

Peqqinnissaqarfimmi suliassat innuttaasut ineriartornerat malitsigalugu pilersaarusiornissaat naleqqussartariaqarnissaallu Naalakkersuisut isumaqatigaat. Suliqaq tamanna atorfilittat akornanni ingerlavoq. Tamatuma saniatigut peqqinnissaqarfiup siunissami atu-gassarititai Peqqinnissamut Ataatsimiititaliarsuarmit ilaatigut qulaajarneqassapput eqqartorneqassallutillu. Suliap tunniunneqarnissaata tungaanut Naalakkersuisut inner-suussutigissavaat "Peqqinnissaqarfiup qitiusumik immikkoortuini sullissineq" (Ydelses-kataloget), tassani peqqissaavinni peqqinnissakkut sullinneqarnissamut sinaakkutit allat-torsimapput. Sullissinissamut katalogi inner-suussutigalugu napparsimaveeqqami nakor-samik najuuttoqartuaannarnissaa tunngavissaqanngilaq. Taassuma saniatigut Peqqin-nissaqarfiup napparsimasunik passussinerup pitsaassusaa qulakkiissavaa, kiisalu pisa-riaqartitsineq malillugu suliassanik isumaginninneq naleqqussassavaa, sulisussarsiortar-neq aamma sulisut sulisorineqaannarnissaanik periarfissarsiorlutik kiisalu aningaasa-qarnikkut sinaakkutissanik piunasaqaatinik qulakkeerinnissaaq.

Inussiarnersumik inuulluaqqusillunga

Anna Wangenheim

01-10-2020
Sags nr. 2020 - 16156
Akt nr. 14855053

Postboks 1160
Tlf: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl